

# O se tsene!

Mongwadi ke Margot Bertelsmann

Diswantšho ka Natalie le Tamsin Hinrichsen

Luke o be a dula botlase bja tšhengwana. Bodulo bja gagwe bo dirilwe ka kota le mafasetere a galase. Mma o be a beya haraka ya gagwe ya go šoma ka tšhengwaneng fao. Trevor yo e bego e le lesogana la Mma o be a beile ditherei tša dipeu fao, gore a tle a bjale merogo.

Efela bobedi ba be ba hirišitše sekgoba seo. E be e le polokelo ya Luke. O be a beile diphiri tša gagwe tše dikgolo ka fao. Šelefong ye nngwe, o be a beakantše dipoloko tša gagwe tša go aga le dipopego tša tiro. Ka mokotleng wo o lego sekhutlong go be go na le memabolo ya gagwe. Go be go na le sekgoba sa Sally wa mpša sekhutlong se sengwe godimo ga dikobo tša go tšofala tša Luke.

Luke o dira leswao: O SE TSENE! Batho bohle ba swanetše go kgopela tumelelo pele ba tsena ka polokelong, ka ntle le Luke le Sally. Gantši, bohle ba be ba hlompha molao woo – ka ntle le Felix.





“Luke, sekupu sa go tloša mampho se ka polokelong,” a realo Mma. “Nka ya go se tšea?”

“Ke tla ya go se tšea!” a realo Luke.

“Dilo ka moka tše o ka di dirago, nka di dira bokaone,” a realo Felix,

efela seo ga se nnete. Luke o hlwekiša ditšhila tša mpša ka moka-, a nnoši.

Trevor o hloka peterole ya motšhene wa go ripa bjang. O e beya bodulong bja Luke le yona. “Ke tla ya go o tšea!” gwa goeletša Luke.

O tlile le kane ya peterole, gomme Trevor o ile a mmontšha gore motšhene wa go ripa bjang o tlatšhiwa bjang. Trevor o ile a goga thapo gatee, labobedi, le la boraro. O ile wa swara! Bruum. Trevor o tlogetše Luke go ripa karolwana ya bjang a nnoši, morago ga go apara diteki.

Felix le yena o nyaka go ripa bjang. “Lebelela gore ke ripile bjang bjo bokakang,” a kgantšha. “Bokaone kudu go feta wena.”

Sefahlego sa Luke se ile sa hwibila ka pefelo.

Felix o jewa ke bodutu. O ile a ya lebating la polokelo. “Ke a tsena,” a tsebiša. Ga se a kokota.



Trevor o ile a lebelela Mma. Mma yena a kgokološa mahlo.

Luke o eme.

Felix o ile a swara mokgoko wa lebati. Phašaa! O thapile go tloga hlogong go fihla maotong.

Felix o ile a kitima a ya go iphumula gomme a apara hempe ye sengwe. O ile a boya.

“Ke tla go laetša!” a goeletša. O ile a raga lebati. Tswapoo! Luke o be a theile molaba wo mongwe. Setanyadintši se ile sa mmetha phatla.

“Ijoo! Ke tla go laetša,” Felix a mo tshepiša.



Felix o ile a loga leano la go itefeletša. O be a dira se sengwe ka ntle ga lebati.

“Etšwa, Luke!”

“Ka lebaka la eng?” gwa botšiša Luke. “O nagana gore tše ke di dirago, o ka di dira bokaone?”

“Mo gongwe,” a realo Felix, a sega.

Luke o ile a hlola ka lefasetere la ka thoko ga polokelo ya didirišwa. O ile a nanya a dikologa Felix a ema ka morago ga gagwe.

“Gona, ga ke tshepe gore ke nnete,” a realo Luke a eme ka morago ga legetla la gagwe, a šupa leswao la lebating. “WENA ga o kgone le go bala leswao.”



# O se tsene!

Mongwadi ke Margot Bertelsmann • Diswantšho ka Natalie le Tamsin Hinrichsen

## Mehopolo eo le ka buang ka yona

Luke o na le lefelo la gagwe la go ikgetha. Naa o na le lefelo la go ikgetha lapeng la geno? Ge go se bjalo, ke kae moo o ka itirelago la gago gona?

O nagana eng ka tsela yeo Felix le Luke ba itshwarago ka gona ge ba kopane? Ke eng seo ba ka se dirago go fapana?



## Go bona

Thala seswantšho sa le tee la mahlajana ao Luke a a dirago go morwarragwe.



## Go bala

Lebelela seswantšhong sa mathomo ka šedi mo matlakaleng a 1 le 2. Bala sengwalwa mo matlakaleng a gape o be o hwetše dilo tšeo e lego tša Trevor le Luke ka seswantšhong.




## Go ngwala

Dira leswao la gago la "O se tsene!".



## Go dira dilo

Šomiša khathune ya lee bjalo ka thereyi ya bomedišetšo gomme o bjale dipeu ka gare ga yona. Laetša maina a dipeu ka go thala diswantšho tše nnyane tša mehuta ya dimela ge di tla be di metše go felelela. Kgomaretša diswantšho tše dikotaneng gomme o be o di kgomaretše kgauswi le dipeu tša tšona.



## Go bapala terama

Dira "lewa" la go ikgetha la go ralokela le go balela ka go ala mapai godimo ga ditulo. Tsenya dipuku le dipapadišwa tša gago tša mmamoratwa ka leweng la gago. Bea leswao la "O se tsene!" leo o le dirilego ka ntle ga lewa la gago.

